

**Uunga siunnersuut: Meeqqat tapersorsorneqartarnerat pillugu Inatsisartut inatsisaani inatsisip allanngortinneqarnissaa pillugu inatsisissatut siunnersuut**

(Meeqqanut aamma ilaqutariit illuini ataatsimoorussamik digitalikkut sullissinnermi isumaginninnermut Aqutsisoqarfimmiit ersarissaaneq il. il.)

(Meeqqanut, Inuusuttunut Ilaqutariinnullu Naalackersuisoq)

**Saqqummiussissut**

(Meeqqanut, Inuusuttunut Ilaqutariinnullu Naalackersuisoq)

**Siullermeerneqarnera**

Naalackersuisuni inuiaqatigiit ineriartornerannut pisariaqartitaannullu malinnaanissarput pingaaruteqarpoq. Taamaattumik inatsit atuuttoq akuttunngitsumik misissortarparput politiki malinneqarnersoq aamma sulinnermi atorneqarsinnaanersoq qulakkeerniarlugu.

Meeqqanut tapersersuisarnej pillugu inatsimmi allannguutissatut siunnersuummi uani meeqqanut pisariaqartitsisunut tapersersuisarnej pitsanngorsaasoqarpoq.

Inatsisissatut siunnersuummi meeqqat eqqartuussinikkut imaluunniit eqqartuussiviit aalajangiineratigut ulloq unnuarlu paaqqinnittarfinnut inissinneqarsimasut angajoqqaaminnik pulaarneqarsinnaatitaanerat ilaatigut qulakkeerneqassaaq. Ilanngullugu angajoqqaatut oqartussaassuseqartut akuersissuteqarnerisigut meeqqat angerlarsimaffiup avataanut inissinneqartarnerat aamma meeqqat illersuisoqarnissamut pisiinnaatitaaffeqarnerat qulakkeerneqassapput.

Ilaqutariit illui aamma ilaqutariinnut illut aalajangersakkani inatsimmut allannguutissanut siunnersuummi ilanngullugit pineqarput. Ilaqutariit tamarmiusut ukkatarineqarnissaat, ilaqutariinnilu meeqqap pitsaasumik isumassorneqarluni inissisimanissaa Naalackersuisuni qulakkiissallugu kissaatigaarput. Meeqqanut- ilaqutariinnullu illut aamma ilaqutariinnut illut pingaartumik meeqqanut ilaqutariinnullu atugarliornissamut uloriarnartorsiortunut tunngatillugu suliniuteqarnermi tamatumani suliassaq annertoq kivittarpaat. Meeqqanut ilaqutariinnullu illut nukittorsarneqarnissaat, taamaaliornikkut nuna tamakkerlugu ilaqutariinnut sullissinnermi piginnaasallit ilinniarsimassullu sulisorineqarnissaat anguniarneqarluni inatsimmut allannguutissatut siunnersuummi matumani kissaatigineqarpoq.

Nunatta karsiata akiligaanik kommunini tamani ataatsimut IT-qartoqalerpoq taamaalinikkut meeqqanut sullissineq digitalinngortinneqarpoq. Meeqqanut sullissinnermi taassuminnga systememik kommunit tamarmik atuinissanut pisussaaffeqarnissaat siunnersuutigineqarpoq. Taamaaliornikkut iluaqutaasumik assigiiartumik siunnerfeqartumillu sullissineq meeqqanut iluaqutaasussaavoq. Tamatumunnga ilanngullugu kisitsisitigut paasissutissanik Naalackersuisunut nassiussinissamut pisussaaffilerneqassasoq siunnersuutigineqarpoq. Tamanna meeqqanut tunngasunik suliassaqarfimmi paasissutissanik pisariaqartitsisoqarneranut naapertuuppoq.

Isumaginninnermut Aqutsisoqarfiup kommuninut siunnersuisarnermi ilitersuisarnermilu suliassai Inatsimmut allannguutissatut siunnersuummi ilanngullugu erseqqissarneqarput. Tamatuma saniatigut inatsisip atuuttup oqaasertai kukkuneqartut, inatsisip oqaasertaasa

kalaallisuuata      danskisuuatalu      oqaatsitigut      naapertuuttunngortinneqarnissaasa  
iluarsineqarnissaat qulakkeerneqarpoq.

Taamatut      oqaaseqarlunga      siunnersuut      Inatsisartunut      akuersaallaqqullugu  
oqallisigisassanngortippara.